

آبونه شرائطی

داخلی و خارجی، مریر ایچون

سنه لکی (۲۰۰)، آلتی آیلنی

(۱۳۰) فروشدر .

نسخه سی • فروش ،

سنه لکی ۵۲ نسخه در

اداره خانه

باب عالی جاده سنده د اثر مخصوصه

اخطارات

آبونه بدلی بهمیدر

مسئله موافق آثار مع المخطوبه

قبول اولور . درج ایدین

یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

آپعون اهدکم سبیل الرشاد

عدد : ۴۶۱

۱۲ جمادی الآخر ۱۳۳۸

پنجشنبه

۴ مارت ۱۲۳۶

جلد ۱۸

الکشاف

اخطارات

ادرس تبدیلیده آیریجه بهی

غروهی کوندر الیدر

مکتوبلرک امضالری واضح

واوقو ناطق اولوسی و آبونه صره

نومرو سنی محتوی بولوسی

لازمدر

ممالک اجنبیه ایچون آبونه اولالارک

آدرسلرینک فرانسوزجه ده یا اولوسی

رجا اولنور

باره کوندر لیدیکی زمانه نه به دائر

اولنهی واضحاً بیلدیرلوسی

رجا اولنور

بواختلاط پدرانہ وخالصانہ دن نہ بولده والذ زیادہ نہ کی خصوصیات
مہمہ دہ استفادہ ایدیلہ بیلہ جکی انشاء اللہ پیدر پی تبلیغ وایضاح ایدہ حکم .
کوندن .کونہ تزیاد ایدن بہالیقندن دولای دوکون باہما مقدمہ اولدینی
کمال اسفلہ آکلاہرق خداوندکار ولایتی کویلر نہجہ تطبیق ایدلک اوزرہ
مواد آتیہی کویلولرلہ بالذاکرہ قرار لاشدیر مشدیم :

۱ — اوکتر دہ کی مایسک ایلک پنجشنبہ کونی خداوندکار ولایتی
داخلندہ کی کویلولرک کافہ سی ایچوگ دوکون کونی ، اولہ جقدہر .

۲ — دوکونلر دہ عشرت و مغایر شرع شریف دیگر شیلر قطعاً
ممنوعدر .

۳ — اولہ نہجک ارکک وقیزک اولیا واقربانہ ہدایا اعطاسی کی
تکلفات ممنوع و خلافتدہ حرکت موجب جزادر .

۴ — مایسک ایلک پنجشنبہ کونی عقد نکاح مراسیمہ دعوت
ایدیلرلہ بالکیز بر شربت اکرامیلہ اکتفا ایدیلرک معتاد اولدینی
وجہ ایلہ کونلر جہ ضیافتلر ویرلک کی اسرافاتدن قطعاً اجتناب
اولہ جقدہر .

۵ — عدد نفوسہ نظراً ، داخل ولایتدہ ہانکی قریہ نک
دوکونی دہا زیادہ ایسہ والی بالذات اوریہ کیدہرک عقد نکاح جمعیتہ
اشترالہ ایدہجک ودیکر کونلر دہ ولایت ، لوا ، قضا ، ناحیہ ارکان
مأمورین و عدم کفایتی حالندہ اشرف و علماء مملکتیدن مناسبلری
والیہ وکالہ حاضر بولہ جقدہر .

۶ — بو صورتلہ ازدواج ایدن ذکور واناتک اسم وشہرتلری
ولایت غزنہ سیلہ اعلان اولہ جقدہر .

۷ — بو ازدواجلرک محسول متینی اولمق اوزرہ ایلک تولد
ایدہجک چوجوغک والدہ سنہ والی طرفندن اوزرندہ نوزادک اسمی
وتاریخ ولادتی محکوک بر آلتون بیلہزیتلہ اہدا قیلہجق وچوجوغک
اسمک لطفاً وتبرکاً طرف اشرف حضرت خلافتناہیدن انتخاب
واتحاف بویورلہ سی استرحام اولہ جقدہر .

مأموریت عاجزانہ مک تحولندن دولای شومقرراتک بالذات تطبیقہ
امکان قالماش ایسہدہ کیفیت جہ مزکک مشفق واقدسی اولان ولی
نعمت بمنتمز پادشاہمز خلیفہ رسول اللہ افندیمز حضرتلرینہ بالناسبہ
شفاعاً لہ العرض تصور وتصمیم واقع لطفاً وتنزلاً قرین استحسان
ہایون اولارق بالکیز خداوندکار ولایتدہ دکیل ، بالمیوم ممالک
شاہانہ لرنجہ تطبیق اولنماسی امر وفرمان وبو ازدواجلر دہ ولایت
داخلندہ ایلک طوغہجق چوجوغک ارکک ایسہ نام نامی ہایونلرینک
وقیز ایسہ بویوک کریمہ شوکت پناہیلری فاطمہ علویہ سلطان علیہ العان
حضرتلرینک اسم محترمیلرینک و ہرقریہدہ ایلک تولد ایدہجک اطفال
ذکورہ مخدوم مکرم تاجدار ی محمدار طغرل افندی حضرتلرینک وایک
طوغان قیزلر دہ کوچوک کریمہ عصمت و بیستہ ہایونلری رقیہ صبیحہ

آزادہ وپاشدہ بالکیز علمیہ نک تعالیسی مفکوردہ سی اولہرق لطفاً برآز
حرکتہ کلکیزی سلامت مسلک نامہ ، استرحام دکل ، طلب ایدینورم .
ناکہ ، امللر قریب الظہور ، امیدلر قطعی الحصول اولسون .

محسن ایکنچی منصف طلبہ سندن

محمد توفیقی

دوکون کونی

داخلیہ نظارتک مہم بر تعمیمی

یک طبیعی اولدینی اوزرہ کویلری معمور ، کویلری مرفہ
ومسعود اولمایان مملکتلرک شہر وقصبہ لرنده کویلہجک آثار حضور
وعمران ، تملری چوروک بر بنانک بعض اقسامندہ کی مزینات ظاہرہ
قیلندندہر . وطن ، اولاد وطن دینجہ خاطرہ ہر شیدن اول کویلر ،
کویلولر کللی ؛ کویلر اولمازسہ ، آج ، چپلاق قالا جغمزی ، کویلولر
بولمازسہ وطنک اک فداکار ، اک نجیب مدافعلرندن محروم قالہ جغفی
ہر کس وعلی الخصوص بز ، ادارہ مأمورلری هیچ اونوتمامیلدر !

بن شیمدی یہ قدر اناطولیہدہ ، روم ایلیدہ ، عجازدہ ، عراقدہ ،
سوریہدہ ، حاصلی مملکتلرک ہان ہر طرفندہ دائماً بو قناعتلہ ایفای
مأموریت وکویلو حیانتک بیتمز ، توکنمز مرارتلری المدن کلدیکی
قدر تخفیفہ غیرت ایتدم .

ایشتہ بو قناعت ومقصد ایلہ اخیراً خداوندکار ولایتدہ زیارت
ایتدیکم کویلر دہ کی مشاہداتم ہی یک زیادہ محزون ایتشدہر . حرب
مدیدعمومینک حرب ساحہ لرنده ایقاع ایتدیکی ضایعات عظیمہ جملہجہ
معلومدرکہ قابل احصا وتصویر دکلدہر . فقط کویلر کوزولہدجک خاطرہ
کلہن مصائب حربیہدن بری دہ کویلر دہ بش ، آلتی یاشندہ کی چوجوقلرہ
یک جالب دقت برسوتدہ آت تصادف ایدلہ سیدر . انواع اضطرابات
ایچندہ بکن شودرت ، بش سنہ طرفندہ تناسلک صورت کلیدہدہ سکتہ دار
اولسی یوزندن متحصیل بو نظر سوز بوشلغک سرعت ممکنہ ایلہ
دولایرلہ سی ایچون تکثیر وتمجیل ازدواجدن باشقہ برچارہ اولمادیقندن
بوابدہ متعدد کویلر دہ بالذات تدقیقاندہ بولوندم .

آلدییم معلوماتہ کورہ ، ہرقریہدہ الیوم سن ازدواجہ کلش خیلی
نشانلی ودیقانلیلر وکنج قیزلر دہ بولندینی حالہدہ دوکونلر منہ مسلط
اولان عادات مضرمک کویلرہ رؤساء مأمورین ادارہ ، یعنی مدیر ،
قائم مقام ، متصرف ، والی ، کویلولرلہ بابا ، اوغل کی کوروشمک
وکندیلرینہ حکومت مأمورلرینک بالکیز ، ویرکی آلیر ، کندیلرندن
باشقہ درلو فطرتدہ بر مخلوق دکل ، بالعکس وظیفہ لرنینک اک مہمی
کویلولرک اسباب حضور وسفادتی استکمالہ تعلق ایتدیکنی فعلاً کوستہر .
مک ، کویلولرک خشنودی وامیبتی لازامق ہر نوع موفقیات اداریہ نک
اس الانسانی اولدیغہ قناعت ایتیلدرلر .

اسلام قوتی، اسلام مدنیتی

انکلتزه خارجیہ ناظری لورد کورزونک کچلرده ایراد ایندیکی مشهور نطقنده شویله بر فقرده واره دی :

« بولردن ماعدا برده اسرار انکیز حرکتہ نظر دتکنزی جلب ایدوم که بو حرکت اساسات دینیہ ایتنا ایندیکی زماہ (باد اسلامیزم) ، ملیت اساسلرینہ ایتنا ایندیکی زماہ (بان نووانیزم) شکلنده تظاهر ایدیور . بو حرکت شرقی آتیشی اوزرنده دین تأثیراتی حائر اوله جقدر . »

بو فقرہ حقنده تصویر افکار رفیقیز دییور که :

(کورزون) که نطقنک اک مهم نقطه سی بودر و بوسوزلرله انکلیز خارجیہ ناظری شرق مسئله سنک اک اساسی و روحی قیسمنه پارماغنی باصمیش اولیور . یک جوق دفعه لرسویلدک که شرق مسئله سنک قطعی و سالم بر صورت حله اقتزان ایدومہ مسنک باشلیجه سبی ، شرقده اسلام قوتنک ، اسلام موجودیتنک ، اسلام تأثیر و نفوذینک اہمیتی تقدیر ایدومہ مسندن و بناء علیہ شرق مدنیتی یعنی اسلام مدنیتی ایله اشتلاف ایتنک اسبابنه تشبث اولومہ مسندن عبارتدر . مع التأسف اوروپا رجال سیاسیہ سی و مدیران اموری ایچنדה صوک زمانلرده بو حقیقی لایقيله احاطہ ایتیش بلکہ آز کیمسه ظهور ایتشدر . لورد (کورزون) ایسه بو رجال ایچنדה شرقده اسلام قوتنک فصل حائر تأثیر اولدیغنی ادراک و بونی بلا تردد اعتراف ایدن همان ایلک خارجیہ ناظریدر دینلسه مبالغہ اولماز .

شرقده الیوم بویوک بر انتباه دینی حاصل اولمشدر . بوتون اسلام اقوام ، ملل ساثرہ کی کندی حق حیاتلری ، حق استقلال و بقاری اولدیغنی ادراک ایتیش بولونیور و بو حق استحصال ، استرداد و یا ابقا خصوصندہ یکدیگرلرینہ معین و ظہیر اولمہ خواہشکر بولونیورلر . ایشته لورد (کورزون) که (اسرار انکیز) دینیہ توصیف ایندیکی حرکتنک ماہیت حقیقیہ سی بوندن عبارتدر . بو حرکتنک اساسی انتباه تشکیل ایتدیکنه کورہ نہ غرب عالمی ، نەدہ عالم مدنیّت ایچون اک اوفاق بر تہلکہ بیله تشکیل ایدومہ . دائرة انتباهه کیرمیش اولان اسلاملرک اک بویوک امللری ، غیرک حقوقہ تجاوز دکل ، کندی حقلری محافظہ ایدومہ دنیانک اک بویوک مدنیّت ، مدنیّت حقیقیہ سی اولان اسلام مدنیّت دائرہ سنده انکشاف ملیلرینی تأمیندن عبارتدر . بویله غایہ و مقصد تعقیب ایدن ہر ہانکی بر قوت ، هیچ بر وقت عالم مدنیّت ایچون مضر اولماز ، بلکہ اعظمی درجہدہ مفید اولور .



کوردلر و اسلامیت

بغوص نویار ایله معہود شریف (پاشا) نک برلشہرک کوردلری جامعہ اسلامیہ دن آیرمق تشبث خائنانہ سنده بولوندقلری خبر آلیہاز کرک بورادہ ، کرک کوردستانده کی بوتون کوردلر کال نفرتہ پروتستولردہ

سلطان علیہ الشان حضرتلری نامنک اعطاسنہ مساعدہ سنیہ خلافتیناہی ارزان بویورلہی ، ایضاحات مبسوطہ دائرہ سنده معاملہ بہ مساعدہ ایدلمہ سی خداوندکار ولایتہ تبلیغ اولمشدر ؛ اوراجہدہ امر و فرمان ہایون حضرت پادشاهی منطوق منیفنک تمامیلہ تطبیقنہ مسارعنہ نتائج حاصلہ دن بیدری معلومات اعطاسی و بوایشک بردائرہ رسمیه و یا بر مأمورہ حوالہ سیلہ اکثفا ایدلمہ یرک بالذات طرف عالیہ دن تعقیب اولماسی خاصہ تمنی اولنور . ۴ جمادی الآخر ۱۳۳۸ — ۲۵ شباط ۱۳۳۶



بولشہ ویکلک و اسلامیت

تعالیٰ اسلام جمیعنک غرتہ لردہ کی استیضاحی مناسبیلہ « دارالحکمة الاسلامیہ » رئیس حبیب ہونی اندی حضرتلری بولشہ ویکلک اسلامیت نقطہ نظرندن تدقیق و محاکمہ سی موضوع بحث ایدرک بیورمعلومہرکہ :

— بعض غرتہ لردہ بر استیضاح کوزدم . فقط ینہ تکرار ایدرم ، بولشہ ویکلک اساسات و مقاصد حقیقیہ سی حقندہ بزجہ معلومات قطعیہ و صحیحہ یوقدر . بو خصوصہ بیان فکر ایدہ بیلملک ایچون اول امرده اولنرک قانون اساسیلرینی الہ ایتنک ایجاب ایدر . احتمال کہ تعالیٰ اسلام جمیعنک آئندہ بوقبیل و نائق قطعیہ واردر . فقط بز بویله بر شینہ مطلع اولہ مادیق . بو خصوصہ مسموعہ بنای حکم ایتنک بر مقام رسمی اولان « دارالحکمة » ایچون مناسب اولہ مایہ جنی البتہ تقدیر اولنور . باخصوص کہ اورادن مهاجرت ایدنلر مغارض فرقہ دن بولوندقلری جہتلہ اولنرک سوزلریلہ نہ درجہ بہ قدر احتیاج اولونہ . بیله جکدہ بر مسئلہ در . اساساً اسلامیت کندی اساسات جلیہ سنہ مخالف اولان هیچ بر شینی موافق کورمہ یجکی طبعیدر . اگر بولشہ ویکلک دینلری انکار ایدیورسہ تثلیث و شرکہ معارض اولان اسلامیت بالطبع اونی دہ رد ایدر . بز کندی دین مینمزدن باشقہ برشی طائیفاز . صوکرہ بولشہ ویکلک عامل نفاق و افتراق طائیدقلری ادیانک ہانکی دینلر اولدیغنی دہ بیلمیورز . حاصلی بوبایدہ و نائق صحیحہ و قطعیہ سی الہ ایتدیکہ ، مسئلہ اسلامیت و مسلمانیلرہ تعلق بولونمادیقہ کرک مقام مشیختجہ ، کرک دارالحکمة جہ بر حکم بیان ایدلمہ یجکی طبعیدر .

اساساً بولشہ ویزم مسئلہ سی اسلام آرہ سنده تحدت ایتیش برشی دکلدرد . بو ، مسلمانیق خارجندہ بر مسئلہ در . خرسقیانلق عالندہ ظهور ایدن بومسئلہ نک مرجع حل خرسقیانلق ریاست روحانیہ سیدر . اونک ایچون اسلام آرہ سنده بویله بر مسئلہ تحدت ایتدیکہ استیضاحلرہ قالدیشیق طوغرہ دکلدرد .